

中華大藏經編輯局編

# 中華大藏經

漢文部分  
八



中華書局



\*A0087212\*

內封題簽 李一氓

裝幀設計 伍端端

# 中華大藏經

(漢文部分)

第八冊

《中華大藏經》編輯局編

\*

中華書局出版

(北京王府井大街36號)

新華書店北京發行所發行

上海市印刷七廠印刷

\*

787×1092毫米 1/16· 85印張· 插頁2

1985年6月第1版 1985年6月上海第1次印刷

印數 1—2000冊

統一書號：2018·238 定價：100元



小品經序

釋僧觀

般若波羅蜜經者窮理盡性之格言  
 菩薩成佛之軌軌也軌不弘則不足  
 以冥群異指其歸性不盡則物何以  
 登道場成正覺正覺之所以成群異  
 之所以一何莫由斯道也是以異教懇  
 懃三撫以之頻發功德疊按九增以  
 之屢至如問相標玄而玄其玄幻品  
 忘寄而忘其忘道行坦其津難問窮  
 其源隨喜忘趣以要終照明不化以  
 即玄章雖三十貫之者道言雖十萬  
 倍之者行行然後無生道足然後  
 補慶及此而變一切智也法華鏡本以  
 凝照般若冥未以解懸解懸理趣菩  
 薩道也凝照鏡本告其終也終而不  
 泯則歸途扶疎有三寶之跡權應不  
 夷則亂緒紛紛有惑趣之異是以法  
 華般若相待以期終方便實化冥一  
 以俟盡論其窮理盡性表明方行則  
 實不如照取其大明真化解本无三  
 則照不如實是故歎深則般若之功  
 重美實則法華之用微此經之尊三

小品般若經卷第一 第二張

撫三羈未足惑也有秦太子者寓跡  
 儲宮擬韻區外既味斯經夢想增至  
 准悟大品深知譯者之失會聞究摩  
 羅法師神授其文真本猶存以弘始  
 十年二月六日請令出之至四月三  
 十日校正都訖考之舊譯真若荒田  
 之稼芸過其半未詐多也斯經正文  
 凡有四種是佛異時適化廣略之說  
 也其多者云有十萬偈少者六百偈  
 此之大品乃是天竺之中品也隨宜  
 之言復何必計其多少議其煩簡耶  
 梵文雅質素本譯之於麗巧不足撰  
 正有餘矣幸真文悟之賢略其華而  
 幾其實也

後秦龜茲國三藏鳩摩羅什

初品第一

如是我聞一時佛在王舍城耆闍崛  
 山中與大比丘僧千二百五十人俱  
 皆是阿羅漢諸漏已盡如調象王所  
 作已辦捨於重擔速得已利盡諸有  
 結正智解脫心得自在唯除阿難余  
 時佛告須菩提汝樂說者為諸菩薩

是所應成就般若波羅蜜舍利弗即  
 作是念須菩提自以力說為承佛神  
 力須菩提知舍利弗心所念語舍利  
 弗言佛諸弟子敢有所說皆是佛力  
 所以者何佛所說法於中學者能證  
 諸法相證已有所言說皆與法相不  
 相違皆以法相力故今時須菩提白  
 佛言世尊佛使我為諸菩薩說所應  
 成就般若波羅蜜世尊所言菩薩菩  
 薩者何等法義是菩薩我不見有法  
 名為菩薩世尊我不見菩薩不得菩  
 薩亦不見不得般若波羅蜜當教何  
 等菩薩般若波羅蜜若菩薩聞作是  
 說不驚不怖不沒不退如所說行是  
 名教菩薩般若波羅蜜復次世尊菩  
 薩行般若波羅蜜時應如是學不念  
 是菩薩心所以者何是心非心心相  
 本淨故今時舍利弗語須菩提有此  
 非心心不須菩提語舍利弗非心心  
 可得若有若无不舍利弗言不也須  
 菩提語舍利弗若非心心不可得有  
 無者應作是言有心無心耶舍利弗  
 言何法為非心須菩提言不壞不分

別菩薩聞作是說不驚不怖不沒不  
 退當知是菩薩不離般若波羅蜜行  
 若善男子善女人欲學聲聞地當聞  
 是般若波羅蜜受持讀誦如說修行  
 欲學辟支佛地當聞是般若波羅蜜  
 受持讀誦如說修行欲學菩薩地亦  
 當聞是般若波羅蜜受持讀誦如說  
 修行所以者何般若波羅蜜中廣說  
 菩薩所應學法須菩提白佛言世尊  
 我不得不見菩薩當教何等菩薩般  
 若波羅蜜世尊我不見菩薩法來去  
 而與菩薩作字言是菩薩我則疑悔  
 世尊又菩薩字無決定无住處所以  
 者何是字无所有故無所有亦無定  
 無處若菩薩聞是事不驚不怖不沒  
 不退當知是菩薩畢竟住不退轉地  
 住無所住復次世尊菩薩行般若波  
 羅蜜時不應色中住不應受想行識  
 中住何以故若住色中為作色行若  
 住受想行識中為作識行若行作法  
 則不能受般若波羅蜜不能習般若  
 波羅蜜不具足般若波羅蜜則不能  
 成就薩婆若何以故色无受想受想

行識無受想若色無受則非色受想  
 行識無受則非識般若波羅蜜亦无  
 受菩薩應如是學行般若波羅蜜是  
 名菩薩諸法無受三昧廣大无量無  
 定一切聲聞辟支佛所不能壞何以  
 故是三昧不可以相得若是三昧可  
 以相得先居梵志以有量智入是法中  
 生信先居梵志以有量智入是法中  
 入已不受色不受受想行識是梵志  
 不以得聞見是智不以內色見是智  
 不以外色見是智不以內外色見是  
 智亦不離內外色見是智不以內受  
 想行識見是智不以外受想行識見  
 是智不以內外受想行識見是智亦  
 不離內外受想行識見是智先居梵  
 志信解薩婆若智以得諸法實相故  
 得解脫得解脫已於諸法中無取无  
 捨乃至涅槃亦無取无捨世尊是名  
 菩薩般若波羅蜜不受色不受受想  
 行識雖不受色不受受想行識未具  
 足佛十力四無所畏十八不共法終  
 不中道而般涅槃復次世尊菩薩行  
 般若波羅蜜應如是思惟何等是般

若波羅蜜是誰般若波羅蜜老法不可得是般若波羅蜜耶若菩薩作是思惟觀時不驚不畏不怖不沒不迴當知是菩薩不離般若波羅蜜行

尔時舍利弗語須菩提若色離色性受想行識離識性般若波羅蜜離般若波羅蜜性者何故說菩薩不離般若波羅蜜行須菩提言如是舍利弗色離色性受想行識離識性般若波羅蜜離般若波羅蜜性是法皆離自性性相亦離舍利弗言若菩薩於是中學能成就薩婆若耶須菩提言如是舍利弗菩薩如是學者能成就薩婆若所以者何一切法無生无成就故若菩薩如是行者則近薩婆若

尔時須菩提語舍利弗言菩薩若行色行為行相若生色行為行相若滅色行為行相若壞色行為行相若空色行為行相我行是行亦是行相若行受想行識行為行相若生識行為行相若滅識行為行相若壞識行為行相若空識行為行相我行是行亦是行相若作是念能如是行者是行

般若波羅蜜亦是行相當知是菩薩未善知方便舍利弗語須菩提今菩薩云何行名為行般若波羅蜜須菩提言若菩薩不行色不行色生不行色滅不行色壞不行色空不行受想行識不行識生不行識滅不行識壞不行識空是名行般若波羅蜜不念行般若波羅蜜不念不行不念行不波羅蜜所以者何一切法無受故是名菩薩諸法无受三昧廣大無量无定一切聲聞辟支佛所不能壞菩薩行是三昧疾得阿耨多羅三藐三菩提須菩提承佛威神而作是言若菩薩行是三昧不念不分別是三昧我當入是三昧我今入我已入無如是分別當知是菩薩已從諸佛得受阿耨多羅三藐三菩提記舍利弗語須菩提菩薩所行三昧得從諸佛受阿耨多羅三藐三菩提記是三昧可得示不須菩提言不也舍利弗何以故善男子不分別是三昧所以者何三昧性無所有故佛讚須菩提言善哉

善哉我說汝於無諍三昧人中取為第一如我所說菩薩應如是學般若波羅蜜若如是學者是名學般若波羅蜜舍利弗白佛言世尊菩薩如是學為學何法佛告舍利弗菩薩如是學於法無所學何以故舍利弗是諸法不尔如凡夫所著舍利弗白佛言世尊今云何有佛言如無所有如是如有如是諸法无所有故名無明凡夫分別無明貪著无明墮於二邊不知不見於无法中憶想分別貪著名色因貪著故於無所有法不知不見不出不信不住是故墮在凡夫貪著數中舍利弗白佛言世尊菩薩如是學亦不學薩婆若佛告舍利弗菩薩如是學亦不學薩婆若如是學亦名學薩婆若成就薩婆若須菩提白佛言世尊若有問幻入學薩婆若當成就薩婆若不世尊我當云何答須菩提我還問汝隨意答於意云何幻異色色異幻幻異受想行識耶須菩提言幻不異色色不異幻幻即是色色即是幻幻不異受想行識識不異幻幻

即是識識即是幻須菩提於意云何  
 五受陰名為菩薩不知是世尊佛告須  
 菩提菩薩學阿耨多羅三藐三菩提  
 當如幻人學何以故當知五陰即是  
 幻所以者何說色如幻說受想行識  
 如幻識是六情五陰世尊新發意菩  
 薩聞是說者將無驚怖退沒耶佛告  
 須菩提若新發意菩薩隨惡知識則  
 驚怖退沒若隨善知識聞是說者則  
 無驚怖退沒須菩提言世尊何等是  
 菩薩惡知識佛言教令遠離般若波  
 羅蜜使不樂菩提又教令學取相分  
 別嚴鈔文頌又教學雜聲聞辟支佛  
 經法又與作魔事因緣是名菩薩惡  
 知識世尊何等為菩薩善知識若教  
 令學般若波羅蜜為說魔事說魔過  
 惡令知魔事魔過惡已教令遠離須  
 菩提是名發大乘心大莊嚴菩薩摩  
 訶薩善知識須菩提白佛言世尊所  
 言菩薩善知識有何義佛告須菩提為  
 學一切法無障導亦如實知一切法  
 是名菩薩善知識須菩提白佛言世尊若  
 知一切法名為菩薩善知識復以何義名

為摩訶薩佛言當為大衆作上首  
 為摩訶薩義舍利弗白佛言世尊我  
 亦樂說所以為摩訶薩義佛言樂說  
 便說舍利弗白佛言世尊善善善為斷  
 我見衆生見壽者見人見有見無見  
 斷見常見等而為說法是名摩訶薩  
 義於是中心無所著亦名摩訶薩義  
 舍利弗問須菩提何故於是中心無  
 所著須菩提言無心故於是中心無  
 所著富樓那彌多羅尼子白佛言世  
 尊善善發大莊嚴乘大乘故是名摩  
 訶薩義須菩提白佛言世尊所言菩  
 薩發大莊嚴云何名為發大莊嚴佛  
 言菩薩作是念我應度無量阿僧祇  
 衆生度衆生已無有衆生滅度者何  
 以故諸法相介譬如工幻師於四衢  
 道化作大衆志斷化人頭於意云何  
 寧有傷有死者不須菩提言不也世  
 尊佛言善善亦如是度無量阿僧祇  
 衆生已無有衆生滅度者若善善聞  
 是事不驚不怖當知是善善發大莊  
 嚴須菩提言如我解佛所說義當知  
 是善善發大莊嚴而自注嚴何以故

薩遠若是不作不起法為衆生故發  
 大莊嚴是衆生亦是不作不起法何  
 以故色無縛無解受想行識無縛無  
 解故富樓那語須菩提色無縛無解  
 受想行識無縛無解耶須菩提言色  
 無縛無解受想行識無縛無解富樓  
 那言何等色無縛無解何等受想行  
 識無縛無解須菩提言幻人色是無  
 縛無解幻人受想行識是無縛無解  
 無所有故無縛無解離故無縛無解  
 無生故無縛無解是名善善摩訶薩  
 發大莊嚴而自莊嚴須菩提白佛言  
 世尊云何為大乘云何為善善發趣  
 大乘是乘住何處是乘從何處出佛  
 告須菩提大乘者無有量無分數故  
 是乘從何處出住何處者是乘從三  
 界出住薩婆若無乘是乘出者何以  
 故出法出者俱無所有何法當出須  
 菩提白佛言世尊所言摩訶薩摩訶  
 行者勝出一切世間天人阿修羅世  
 尊摩訶薩行與虛空等如虛空受無量  
 阿僧祇衆生摩訶薩行亦如是受無量  
 阿僧祇衆生是摩訶薩行如虛空无來

處無去處无住處摩訶行亦如是不得前際不得中際不得後際是乘三世等是故名為摩訶行佛讚須菩提言善哉善哉諸菩薩摩訶薩摩訶行應如汝所說今時富樓那弥多羅尼子白佛言世尊佛使須菩提說般若波羅蜜乃說摩訶行須菩提白佛言世尊我所說將無離般若波羅蜜耶不也須菩提汝所說隨順般若波羅蜜世尊我不得過去世菩薩亦不得未來現在世菩薩色无边故菩薩亦无边受想行識无边故菩薩亦无边世尊如是一切處一切時一切種菩薩不可得當教何等菩薩般若波羅蜜我不得不見菩薩當教何法入般若波羅蜜世尊所言菩薩菩薩者但有名字譬如所說我法畢竟不生世尊一切法性亦如是此中何等是色不著不生何等是受想行識不著不生色是菩薩不可得受想行識是菩薩不可得不可得亦不可得世尊一切處一切時一切種菩薩不可得當教何法入般若波羅蜜世尊菩薩

但有名字如我畢竟不生諸法性亦如是此中何等是色不著不生何等是受想行識不著不生諸法性如是是性亦不生不生亦不生世尊我今當教不生法入般若波羅蜜耶何以故離不生法不可得菩薩行阿耨多羅三藐三菩提若菩薩聞作是說不驚不怖當知是菩薩行般若波羅蜜世尊菩薩隨行般若波羅蜜時作是觀諸法即不受色何以故色无生即非色色無滅即非色無生无滅無二无別若說是色即是无二法菩薩行般若波羅蜜時不受受想行識何以故識无生即非識識无滅即非識無生无滅無二无別若說識即是无二法舍利弗問須菩提如我解須菩提所說義菩薩即是無生若菩薩无生何以故有難行為眾生故受苦惱須菩提言我不欲使菩薩有難行何以故生難行想苦行想不能利益無量阿僧祇眾生於眾生易想樂想父母想子想我所想則能利益无量阿僧祇眾生如我法一切處一切時一切

種不可得菩薩於內外法中應生如是想若菩薩以如是心行亦名難行如舍利弗所言菩薩无生如是舍利弗菩薩實無生舍利弗言但菩薩无生薩婆若亦無生須菩提言薩婆若亦無生舍利弗言薩婆若無生凡夫亦无生須菩提言凡夫亦无生舍利弗語須菩提若菩薩无生菩薩法亦無生薩婆若无生薩婆若法亦无生凡夫無生凡夫法亦无生今以無生得无生菩薩應得薩婆若須菩提言我不欲令無生法有所得何以故无生法不可得故舍利弗言生无生无生汝所樂說為生為无生須菩提言諸法无生所言无生樂說亦無生如是樂說舍利弗言善哉善哉須菩提汝於說法人中為第一何以故須菩提隨所問皆能答故須菩提言法應令諸佛弟子於無依止法所問能答何以故一切法无定故舍利弗言善哉善哉是何波羅蜜力須菩提言是般若波羅蜜力舍利弗若菩薩聞如是說如是論時不疑不悔不難當

知是菩薩行是行不離是念舍利弗言若菩薩不離是行不離是念一切衆生亦不離是行不離是念一切衆生亦當是菩薩何以故一切衆生不離是念故須菩提言善哉善哉舍利弗汝欲離我而成我義所以者何衆生无性故當知念亦無性衆生離故念亦離衆生不可得故念亦不可得舍利弗我歡令菩薩以是念行般若波羅蜜

摩訶般若波羅蜜釋提桓因品第二

尔時釋提桓因與四万天子俱在會中四天王與二万天子俱在會中娑婆世界主梵天王與万梵天俱在會中乃至淨居天衆無數千種俱在會中是諸天衆業報光明以佛身神力光明故皆不復現尔時釋提桓因語須菩提言是諸無數天衆皆共集會欲聽須菩提說般若波羅蜜義菩薩云何住般若波羅蜜須菩提語釋提桓因及諸天衆憍尸迦我今當承佛神力說般若波羅蜜若諸天子未發阿耨多羅三藐三菩提心者今應當

發若人已入正位則不堪任發阿耨多羅三藐三菩提心何以故已於生死作障障故是人若發阿耨多羅三藐三菩提心我亦隨喜終不斷其功德所以者何上人應求上法尔時佛讚須菩提言善哉善哉汝能如是勸樂諸菩薩須菩提言世尊我當報佛恩如過去諸佛及諸弟子教如來住空法中亦教學諸波羅蜜如來學是法得阿耨多羅三藐三菩提世尊我今亦當如是護念諸菩薩以我護念因緣故諸菩薩當疾得阿耨多羅三藐三菩提須菩提語釋提桓因言憍尸迦汝一心聽菩薩住般若波羅蜜憍尸迦若波羅蜜不應住色不應住受想行識不應住色若常若無常不應住受想行識若常若無常不應住色若苦若樂不應住受想行識若苦若樂不應住色若淨若不淨不應住受想行識若淨若不淨不應住色若我若無我不應住受想行識若我若無我不應住色若空若不空不

應住受想行識若空若不空不應住須陀洹果不應住斯陀含果不應住阿那含果不應住阿羅漢果不應住辟支佛道不應住佛法不應住須陀洹無為果不應住須陀洹福田不應住須陀洹乃至七往來生死不應住斯陀含无為果不應住斯陀含福田不應住斯陀含一来此間當得盡苦不應住阿那含無為果不應住阿那含福田不應住阿那含彼聞滅度不應住阿羅漢無為果不應住阿羅漢福田不應住阿羅漢今世入無餘涅槃不應住辟支佛道无為果不應住辟支佛福田不應住辟支佛過聲聞地不及佛地而般涅槃不應住佛法利益无量衆生滅度无量衆生尔時舍利弗作是念菩薩當云何住須菩提知舍利弗心所念語舍利弗於意云何如來為住何處舍利弗言如來无所住無住心名為如來如來不住有為性亦不住無為性舍利弗菩薩摩訶薩亦應如是住如來住於一切法非住非不住尔時衆中有諸天



子作是念諸夜又衆語言章句尚可知義須菩提所說所論難可得解須菩提知諸天子心所念語諸天子言是中無說无示無聽諸天子作是念須菩提欲令此義易解而轉深妙須菩提知諸天子心所念語諸天子言若行者欲證須陀洹果欲住須陀洹果不離是忍欲證斯陀含果阿那含果阿羅漢果欲證辟支佛道欲證佛法亦不離是忍尔時諸天子作是念何等人能隨順聽須菩提所說須菩提知諸天子心所念語諸天子言幻人能隨順聽我所說而无聽無證諸天子作是念但聽者如幻衆生亦如幻須陀洹果乃至辟支佛道亦如幻須菩提知諸天子心所念語諸天子言我說衆生如幻如夢須陀洹果亦如幻如夢斯陀含果阿那含果阿羅漢果辟支佛道亦如幻如夢諸天子言須菩提亦說佛法如幻如夢須菩提言我說佛法亦如幻如夢我說涅槃亦如幻如夢諸天子言大德須菩提亦說涅槃如幻如夢耶須菩提言

諸天子設復有法過於涅槃我亦說如幻如夢諸天子幻夢涅槃无二無別尔時舍利弗富樓那弥多羅尼子摩訶拘絺羅摩訶迦旃延問須菩提如是說般若波羅蜜誰能受者時阿難言如是說般若波羅蜜阿毗跋致菩薩具足正見者滿願阿羅漢是等能受須菩提言如是說般若波羅蜜誰能受者所以者何此般若波羅蜜法中無法可說无法可示是義故无能受者尔時釋提桓因作是念長老須菩提為兩法兩我寧可化作華散須菩提上釋提桓因即化作華散須菩提上須菩提作是念釋提桓因今所散華我於初利天上所未曾見是華從心樹出不從樹生釋提桓因知須菩提心所念語須菩提言是華非生華亦非心樹生須菩提語釋提桓因言憍尸迦汝言是華非生華亦非心樹生若非生法不名為華釋提桓因作是念長老須菩提智慧甚深不壞假名而說實義念已語須菩提言如是如是須菩提如須菩提

所說菩薩應如是學菩薩如是學者不學須陀洹果斯陀含果阿那含果阿羅漢果辟支佛道若不學是地是名學佛法學菩薩者若學佛法學菩薩若則學無量无边佛法若學无量无边佛法者不為增減色學不為增減受想行識學不為受色學不為受滅故學舍利弗語須菩提行者不為取薩婆若不為滅薩婆若故學須菩提言如是如是舍利弗菩薩乃至薩婆若不取不滅故學如是觀時能學薩婆若能成就薩婆若尔時釋提桓因語舍利弗菩薩摩訶薩般若波羅蜜當於須菩提所轉中求釋提桓因語須菩提是誰神力須菩提言是佛神力憍尸迦如所問般若波羅蜜當於何求般若波羅蜜不應色中求不應受想行識中求亦不離色求亦不離受想行識求何以故色非般若波羅蜜離色亦非般若波羅蜜受想行識非般若波羅蜜離受想行識亦非般若

若波羅蜜提桓因言摩訶波羅蜜是般若波羅蜜無量波羅蜜是般若波羅蜜無邊波羅蜜是般若波羅蜜須菩提言如是如是憍尸迦摩訶波羅蜜是般若波羅蜜無量波羅蜜是般若波羅蜜無邊波羅蜜是般若波羅蜜無量受想行識無量故般若波羅蜜無量緣無邊故般若波羅蜜無邊眾生無邊故般若波羅蜜無邊憍尸迦云何緣無邊故般若波羅蜜無邊諸法無前無中無後是故緣無邊般若波羅蜜無邊復次憍尸迦諸法無邊前際不可得中際後際不可得是故緣無邊般若波羅蜜無邊釋提桓因言長老須菩提云何眾生無邊般若波羅蜜無邊憍尸迦眾生無量算數不可得是故眾生無邊般若波羅蜜無邊釋提桓因言大德須菩提眾生有何義須菩提言眾生義即是法義於意云何所言眾生義非非法義釋提桓因言眾生非法義亦非非法義但有假名是名字无本無因強為立

小品般若經卷第一 第七十 經字考  
 名名為眾生須菩提言於意云何此中實有眾生可說可示不也須菩提言憍尸迦若眾生不可說不可示云何言眾生無邊故般若波羅蜜無邊憍尸迦若如來住壽如恒河沙劫說言眾生眾生實有眾生生滅不釋提桓因言不也何以故眾生從本已來常清淨故憍尸迦是故當知眾生无边般若波羅蜜无边

小品般若經卷第一

小品般若波羅蜜經卷第一  
 校勘記

- 一 底本，金藏廣勝寺本。
- 一 一頁中一行「小品經序」，石作「小品序」；晉、南、經、清作「小品般若經序」。
- 一 一頁中一行「釋僧叡」，寶、磧作「釋僧叡撰」；晉、南作「常安釋僧叡撰」。
- 一 一頁中四行第二字「冥」，寶、磧、普、南、經、清作「寡」；麗作「察」。
- 一 一頁中六行第一三字「異」，寶、磧、晉、南、經、清作「累」。
- 一 一頁中一三行第三字「及」，寶、磧、晉、南、經、清作「乃」。
- 一 一頁中一六行第九字「實」，磧作「寶」。
- 一 一頁下三行第一三字「究」，寶、磧、南、經、清作「鳩」。
- 一 一頁下一二行首字「梵」，寶、磧、普、南、經、清作「胡」。

一 頁下一三行第六字「莫」，**碩**作「異」。

一 頁下一四行末字「也」，**石**無。

一 頁下一五行經名，**石**作「小品摩訶般若波羅蜜經」；**資**、**晉**、**南**、**經**、**清**作「小品般若波羅蜜經」；**碩**作「小品般若經」。卷次後，**麗**有夾註「丹本摩訶上有小品二字」。

一 頁下一六行譯者，**石**作「後秦三藏鳩摩羅什譯」；**晉**、**南**、**經**、**清**作「姚秦三藏法師鳩摩羅什譯」；**資**、**碩**作「姚秦三藏鳩摩羅什譯」。以下各卷同。

一 頁下一七行「初品」，**石**作「序品」。品名上，**資**、**碩**、**晉**、**南**有「小品般若波羅蜜經」八字，以下各卷同。

一 頁下二二行第六字「心」，**晉**作「心心」。

一 頁下七行第三字「得」，**晉**、**南**、**經**、**清**作「得者」。

一 頁上三行「不畏」，**晉**、**南**、**經**、**清**

無此二字。

一 三頁上一八行第七字「壞」，**資**、**碩**作「離」。

一 三頁下二〇行「問汝隨意」，**石**作「問隨汝意」；**碩**、**南**、**經**、**清**作「問汝隨汝意」。

一 三頁下二一行首三字「色異幻」，**石**無。

一 四頁上五行首字「幻」，**石**、**麗**作「幻人」。

一 四頁上一〇行「無驚怖沒退」，**資**、**碩**作「不驚怖沒退」；**晉**、**南**、**經**、**清**作「不驚怖退沒」。

一 四頁上一〇行第九字「言」，**石**作「白佛言」。

一 四頁下末行第六字「是」，**石**無。

一 五頁下一四行第三字「所」，**資**、**碩**、**晉**、**南**、**經**、**清**作「所言所」；**麗**作「所言」。

一 五頁下一七行「為寔」，**石**、**資**、**碩**、**晉**、**南**、**經**、**清**作「最為」。

一 六頁上六行第四字「離」，**資**、**碩**、

**晉**、**南**、**經**、**清**作「難」。

一 六頁上一一行「摩訶般若波羅蜜」，**石**作「摩訶般若波羅蜜經」；**經**、**清**無此七字，以下各卷同。

一 六頁下一〇行第一一字「聞」，諸本作「聞」。

一 七頁中三行第三字「時」，**石**、**晉**、**南**、**經**、**清**作「時慧命」。

一 七頁中六行末字至七行首字「毗跋」，**石**作「惟越」，以下各卷同。

一 七頁中一〇行第四字「法」，**石**、**資**、**碩**、**晉**、**南**、**經**、**清**無。

一 八頁上一八行第三字「得」，**資**、**碩**、**晉**、**南**、**經**、**清**作「得邊」。

一 八頁中四行第八字「故」，**資**、**碩**、**麗**無。



小品般若波羅蜜經卷第三

後秦龜茲國 三藏法師 鳩摩羅什 譯

塔品第三

今時釋提桓因梵天王自在天王及衆生主諸天女等皆大歡喜同時三引快哉快哉佛出世故須菩提乃能演說是法今時諸天大衆俱白佛言世尊若菩薩能不離般若波羅蜜行當視是人如佛佛告諸天子如是如是昔我於衆華城燃燈佛所不離般若波羅蜜行時燃燈佛記我於來世過阿僧祇劫當得作佛號迦牟尼如來應供正遍知明行足善逝世間解無上士調御丈夫天人師佛世尊諸天子白佛言希有世尊諸菩薩摩訶薩般若波羅蜜能攝取薩婆若佛因釋提桓因生欲色界諸天子及四衆比丘比丘左優婆塞優婆夷等憍尸迦若有善男子善女人能受持讀誦般若波羅蜜如所說行魔若魔天人若非人不得其便終不橫死善男子善女人受持讀誦般若波羅蜜故

利諸天發阿耨多羅三藐三菩提心未受持讀誦般若波羅蜜者來至其所復次憍尸迦善男子善女人受持讀誦般若波羅蜜時若在空中若在道路若或失道無有恐怖於時四天王白佛言世尊若善男子善女人受持讀誦般若波羅蜜如所說行我等皆當護念釋提桓因白佛言世尊若善男子善女人受持讀誦般若波羅蜜如所說行我當護念梵天王及諸梵天俱白佛言世尊若善男子善女人受持讀誦般若波羅蜜如所說行我等亦當護念釋提桓因白佛言希有世尊善男子善女人受持讀誦般若波羅蜜得如是現世功德世尊若受持般若波羅蜜者則為受持諸波羅蜜佛言如是如是憍尸迦受持般若波羅蜜者則為受持諸波羅蜜復次憍尸迦善男子善女人受持讀誦般若波羅蜜所得功德汝今善聽當為汝說釋提桓因受教而聽佛告憍尸迦若有欲毀亂違逆我此法者雖有是心斬斬自滅終不從願何以

故憍尸迦若善男子善女人受持讀誦般若波羅蜜種種毀亂違逆事起法應皆滅是故此人終不從願憍尸迦善男子善女人受持讀誦般若波羅蜜得如是現世功德譬如藥名為摩醯有蛇飢行求食見有小虫而欲食之虫赴藥所蛇聞藥氣即迴還去所以者何藥力能消蛇毒故憍尸迦善男子善女人亦如是若受持讀誦般若波羅蜜種種毀亂違逆事起以般若波羅蜜力故即自消滅復次憍尸迦若受持讀誦般若波羅蜜護世四天王皆當護念復次憍尸迦是人終不說無益之語有所言說人所信受少於瞋恚終不懷恨不為我憍尸覆不為瞋恚所使善男子善女人若瞋恚時能作是念若我瞋者則壞諸根顏色變異我欲求阿耨多羅三藐三菩提云何當隨瞋心如是思惟即得正念憍尸迦善男子善女人受持讀誦般若波羅蜜亦得是現世功德釋提桓因白佛言希有世尊般若波羅蜜為迴向故不為高心佛告憍尸

迦善男子善女人受持讀誦般若波羅蜜若入軍陣誦般若波羅蜜若住若出若失壽命若被惱害无有是處若刀箭向者終不能傷何以故般若波羅蜜是大呪術无上呪術善男子善女人學此呪術不自念惡不念他惡不兩念惡學是呪術得阿耨多羅三藐三菩提得薩婆若若能觀一切衆生心復次憍尸迦若般若波羅蜜經卷住處若讀誦處人若非人不得其便唯除業行必應受者憍尸迦譬如道場四邊若人若畜生无能惱者何以故過去未來現在諸佛此中得道已得今得當得是處一切衆生无恐無畏无能惱害憍尸迦以般若波羅蜜故是處則吉人所恭敬供養禮拜釋提桓因白佛言世尊若善男子善女人書般若波羅蜜受持經卷供養恭敬尊重讚歎以好花香瓔珞塗香燒香末香雜香繒蓋幢幡而以供養若復有人以如來舍利供養恭敬尊重讚歎以好花香瓔珞塗香燒香末香雜香繒蓋幢幡而以供養其福

何所為多憍尸迦我還問汝隨汝意答於意云何如來行何道得薩婆若既依止身得阿耨多羅三藐三菩提釋提桓因白佛言世尊如來學般若波羅蜜故得是身得阿耨多羅三藐三菩提憍尸迦佛不以身故名為如來以得薩婆若故名如來憍尸迦諸佛薩婆若從般若波羅蜜生是身薩婆若智所依止故如來因是身得薩婆若智成阿耨多羅三藐三菩提是身薩婆若所依止故我滅度後舍利得供養憍尸迦若善男子善女人書般若波羅蜜受持讀誦供養恭敬尊重讚歎以好花香瓔珞塗香燒香末香雜香繒蓋幢幡而以供養是善男子善女人即是供養薩婆若智是故若人書寫般若波羅蜜供養恭敬尊重讚歎當知是人得大福德何以故供養薩婆若智故釋提桓因白佛言世尊閻浮提人不供養恭敬尊重讚歎般若波羅蜜為不知得如是大利蓋耶佛言憍尸迦於意云何閻浮提有樂所人於佛得不壞信樂所人於

法於僧得不壞信釋提桓因言少  
 人於佛得不壞信於法於僧得不壞  
 信世尊闍浮提少所人得須陀洹斯  
 陀舍阿那含阿羅漢得辟支佛者轉  
 復滅少能行菩薩道者亦復轉少如  
 是如是憍尸迦闍浮提少所人於佛  
 得不壞信乃至能發阿耨多羅三藐  
 三菩提心行菩薩道者亦復轉少憍  
 尸迦無量无边阿僧祇衆生發阿耨  
 多羅三藐三菩提心於中若一若二  
 住阿毗跋致地是故當知善男子善  
 女人發阿耨多羅三藐三菩提心乃  
 至能受持讀誦供養恭敬尊重讚歎  
 般若波羅蜜何以故是人作是念過  
 去諸佛行菩薩道時從是中學我等  
 亦應於是中學般若波羅蜜是我大  
 師憍尸迦若我現在若我滅後善淨  
 常應依止般若波羅蜜若善男子善  
 女人於我滅後以供養如來故起七  
 寶塔盡其形壽以好花香塗香末香  
 衣服幢幡供養是塔於意云何是善  
 男子善女人以是因緣故得福多不  
 釋提桓因言甚多世尊佛言憍尸迦

善男子善女人供養般若波羅蜜  
 經卷恭敬尊重讚歎以好華香塗香  
 末香衣服幢幡以供養其福甚多  
 憍尸迦置是一塔若滿闍浮提七寶  
 塔善男子善女人盡其形壽以好華  
 香乃至伎樂供養是塔於意云何是  
 人是以因緣故得福多不釋提桓因  
 言甚多世尊佛告憍尸迦若善男子  
 善女人供養般若波羅蜜經卷恭敬  
 尊重讚歎以好華香塗香末香衣服  
 幢幡其福甚多憍尸迦置是滿闍浮  
 提七寶塔若滿四天下七寶塔若人  
 盡形壽以花香供養乃至伎樂若復  
 有人供養般若波羅蜜其福甚多憍  
 尸迦置是滿四天下七寶塔若滿周  
 梨迦小千世界七寶塔若人盡形以  
 好華香供養乃至幢幡若復有人供  
 養般若波羅蜜其福甚多憍尸迦置  
 是周梨迦小千世界七寶塔若滿二  
 千中世界七寶塔若人盡形以花香  
 供養乃至幢幡若復有人供養般若  
 波羅蜜其福甚多憍尸迦置是二千  
 中世界若滿三千大千世界七寶塔

善男子善女人盡其形壽以花香  
 供養乃至幢幡其福甚多憍尸迦  
 人是以因緣故得福多不釋提桓因  
 言甚多世尊佛告憍尸迦若復有人  
 供養般若波羅蜜經卷恭敬尊重讚  
 歎花香乃至幢幡其福甚多憍尸迦  
 置是滿三千大千世界七寶塔假令  
 三千大千世界所有衆生一時皆得  
 人身是一一人起七寶塔盡其形壽  
 以一切好華名香幢幡伎樂歌舞供  
 養是塔憍尸迦於意云何是人是以  
 因緣故得福多不甚多世尊佛告憍  
 尸迦若善男子善女人供養般若波  
 羅蜜經卷恭敬尊重讚歎花香乃至  
 幢幡其福甚多釋提桓因言如是如  
 是世尊若人供養般若波羅蜜即是  
 供養恭敬過去未來現在諸佛菩薩  
 若世尊置是三千大千世界一衆生  
 所起七寶塔若滿十方恒河沙等世  
 界衆生皆得人身一人起七寶塔  
 若於一切若滅一切以好華香乃至  
 伎樂供養是塔若復有人供養般若  
 波羅蜜經卷恭敬尊重讚歎華香乃

至伎樂其福甚多佛言如是如是憍尸迦是善男子善女人以是供養般若波羅蜜經卷因緣故其福甚多無量無邊不可得數不可思議何以故憍尸迦一切諸佛薩婆若智皆從般若波羅蜜生憍尸迦以是因緣故若善男子善女人供養般若波羅蜜經卷恭敬尊重讚歎華香乃至伎樂供養於前功德百分不及一分千分百分百千萬億分不及一乃至算數譬喻所不能及

摩訶般若波羅蜜明咒第五

今時釋提桓因與四万天子在會中者語釋提桓因言憍尸迦應受持讀誦般若波羅蜜佛告釋提桓因憍尸迦汝受持讀誦般若波羅蜜若向修羅生念欲與忉利諸天共聞今時汝當誦念般若波羅蜜以是因緣故阿修羅惡心即滅釋提桓因白佛言世尊般若波羅蜜是大明呪般若波羅蜜是無上呪般若波羅蜜是无等等呪佛言如是如是憍尸迦般若波羅蜜是大明呪般若波羅蜜是无上呪

般若波羅蜜是无等等呪何以故憍尸迦過去諸佛因是明呪得阿耨多羅三藐三菩提未來諸佛亦因是呪當得阿耨多羅三藐三菩提今十方現在諸佛亦因是呪得阿耨多羅三藐三菩提憍尸迦因是明呪十善道出現於世四禪四無量心四无色定五神通出現於世因菩薩故十善道出現於世四禪四無量心四无色定五神通出現於世若諸佛不出於世但因菩薩故十善道四禪四無量心四無色定五神通出現於世譬如月不出時星宿光明照於世間如是憍尸迦世无佛時所有善行正行皆從菩薩出生菩薩方便力皆從般若波羅蜜生復次憍尸迦若善男子善女人供養般若波羅蜜經卷恭敬尊重讚歎得是現世福德釋提桓因白佛言世尊得何等現世福德憍尸迦是善男子善女人毒不能傷火不能燒終不橫死又善男子善女人若官事起誦念般若波羅蜜官事即滅諸求短者皆不得便何以故般若波羅蜜

所護故復次憍尸迦善男子善女人誦念般若波羅蜜若至國王若王子大臣所皆歡喜問評與共語言何以故憍尸迦般若波羅蜜為慈悲一切衆生故出是故憍尸迦諸求短者皆不得便今時外道出家百人欲求佛短求向佛所釋提桓因作是念是諸外道出家百人欲求佛短求向佛所我從佛所受般若波羅蜜今當誦念是諸外道求至佛所或能斷說般若波羅蜜如是思惟已即誦念從佛所受般若波羅蜜時諸外道還復道而夫舍利弗作是念何因緣故是諸外道遠佛而去佛知舍利弗心所念告舍利弗是釋提桓因誦念般若波羅蜜如是外道乃无一人有善心者皆持惡意求佛短是故外道各各復道而去今時惡魔作是念今是四衆及欲色界諸天子在佛前坐其中必有菩薩受阿耨多羅三藐三菩提記者我當壞亂即化作四種兵向佛所今時釋提桓因作是念魔嚴四兵求至佛所四種兵相摩加陀國頻

婆娑羅王之所无有偽薩羅波斯  
 亦无有諸釋子所無有諸黎  
 卑所無有今是兵相必是惡魔所作  
 是魔長夜欲求佛短惱亂眾生我當  
 誦念般若波羅蜜釋提桓因即默誦  
 般若波羅蜜隨其所誦惡魔稍稍復  
 道而去尔時忉利諸天化作天華在  
 於空中散佛上作是念願般若波羅  
 蜜久住閻浮提閻浮提人當得誦習  
 是時諸天復以天花散佛上作是言  
 世尊若有眾生行般若波羅蜜修習  
 般若波羅蜜魔若魔天不得其便尔  
 時釋提桓因白佛言世尊若人得聞  
 般若波羅蜜者已曾親近諸佛不從  
 小功德來何況受持讀誦如所說學  
 如所說行何以故世尊諸菩薩摩訶  
 若當於般若波羅蜜中求世尊譬如  
 大寶當於大海中求世尊諸佛薩婆  
 若大寶應於般若波羅蜜中求佛言  
 如是如是憍尸迦諸佛薩婆若於  
 般若波羅蜜中生尔時阿難白佛言  
 世尊世尊不讚說檀波羅蜜名不讚  
 說尸羅波羅蜜名提波羅蜜此梨耶

波羅蜜檀波羅蜜名何以故但讚說  
 般若波羅蜜佛告阿難般若波羅蜜  
 導五波羅蜜阿難於意云何若布施  
 不迴向薩婆若成檀波羅蜜不阿難  
 言不也世尊若持戒忍辱精進禪定  
 智慧不迴向薩婆若成般若波羅蜜  
 不阿難言不也世尊阿難是故般若  
 波羅蜜為五波羅蜜導阿難譬如大  
 地種散其中曰緣和合即得生長不  
 依此地終不得生阿難如是五波羅  
 蜜住般若波羅蜜中而得增長為般  
 若波羅蜜所護故得向薩婆若是故  
 阿難般若波羅蜜為五波羅蜜作導  
 尔時釋提桓因白佛言世尊是善男  
 子善女人受持讀誦般若波羅蜜如  
 所說行所得功德如來說之猶亦未  
 盡佛告憍尸迦我不但說是人受持  
 讀誦般若波羅蜜如所說行功德憍  
 尸迦若有善男子善女人供養般若  
 波羅蜜經卷恭敬尊重讚歎以好華  
 香乃至幢幡我亦說其所得功德釋  
 提桓因白佛言世尊我亦當護念是  
 善男子善女人供養般若波羅蜜經

卷恭敬尊重讚歎以好華香乃至幢  
 幡者佛言憍尸迦是善男子善女人  
 受持讀誦般若波羅蜜若千百千諸  
 天大衆為聽法故來至其所是法師  
 為諸天說法時非人益其氣力若法  
 師疲極不樂說法諸天恭敬法故令  
 其樂說憍尸迦是亦善男子善女人  
 得是現世功德復次憍尸迦是善男  
 子善女人於四衆中說般若波羅蜜  
 時其心不畏有來難問反詰責者何  
 以故是人為般若波羅蜜護念故不  
 見有人得般若波羅蜜短者般若波  
 羅蜜亦无短可得是人如是為般若  
 波羅蜜護念故無畏有來難問詰責  
 者憍尸迦是亦善男子善女人現世  
 功德復次憍尸迦是善男子善女人  
 讀誦般若波羅蜜故為父母所愛為  
 宗親知識沙門婆羅門所敬衰惱闔  
 訟如法能度憍尸迦是亦善男子善  
 女人現世功德復次憍尸迦般若波  
 羅蜜經卷所住處四天王天上諸天  
 發阿耨多羅三藐三菩提心者皆來  
 至般若波羅蜜所受持讀誦供養作



禮而去。勿利天夜摩天兜率陀天化樂天他化自在天上諸天發阿耨多羅三藐三菩提心者皆來至般若波羅蜜所。受持讀誦供養作禮而去。梵天梵世天梵輔天梵眾天大梵天光天少光天無量光天光音天淨天少淨天無量淨天遍淨天無陰行天福生天廣果天無廣天無熱天妙見天善見天無小天上諸天發阿耨多羅三藐三菩提心者皆來至般若波羅蜜所。受持讀誦供養作禮而去。憍尸迦汝勿謂但有無小天為供養般若波羅蜜。故來三千大千世界中。欲色界諸天發阿耨多羅三藐三菩提心者皆來至般若波羅蜜所。受持讀誦供養作禮而去。善男子善女人應作是念。十方無量阿僧祇國中。所有諸天龍夜叉。乾闥婆阿修羅迦樓羅緊那羅摩睺羅伽人。非人是等。來至般若波羅蜜所。受持讀誦供養作禮時。我當以般若波羅蜜。施善男子善女人。般若波羅蜜。經卷所住處。若殿堂若房舍。无能毀壞。除先行業必

應受者。憍尸迦亦是善男子善女人。現世功德。釋提桓因。白佛言。世尊。是善男子善女人云何。知諸天來受持讀誦供養禮敬般若波羅蜜時。佛言。憍尸迦。若善男子善女人。見大光明。必知天龍夜叉。乾闥婆等。來至其所。復次。憍尸迦。善男子善女人。若聞殊異之香。必知諸天來至其所。復次。憍尸迦。善男子善女人。所住之處。應令淨潔。以淨潔。故非人皆大歡喜。來到其所。是中。先住小鬼。不堪大力。諸天威德。故皆悉避去。隨大力。諸天數。來。故其心轉樂。大法所住。處。四邊。不應。令有臭穢。不淨。復次。憍尸迦。善男子善女人。身不疲極。卧起安隱。不見惡夢。若其夢時。但見諸佛。諸佛塔廟。阿羅漢。眾。諸菩薩。眾。修習六波羅蜜。學。薩婆。若淨佛世界。又聞佛名。某甲佛。於某方某國。與若干百千萬億眾。恭敬圍遶。而為說法。憍尸迦。善男子善女人。夢中所見如是。是覺已安樂。氣力充足。身體輕便。是善男子善女人。不貪飲食。譬。如坐禪比丘。徒三昧起

以學禪。故不貪飲食。何以故。憍尸迦。非人。益其氣力。故善男子善女人。欲得如是等現世功德。當受持讀誦般若波羅蜜。如所說。行。憍尸迦。善男子善女人。若不能受持讀誦般若波羅蜜。如所說。行。當書寫經卷。供養恭敬。尊重讚歎。以好華香。塗香。末香。燒香。雜香。衣服。幢幡。伎樂。摩訶般若波羅蜜。舍利品第五。今時佛告釋提桓因。言。憍尸迦。滿問。淨提舍利。以為一分。般若波羅蜜。經。卷。以為一分。二分之中。為取何分。釋提桓因。白佛言。世尊。我取般若波羅蜜。何以故。世尊。我於舍利。非不恭敬。以舍利。從般若波羅蜜。生。故般若波羅蜜。所。故得供養。世尊。我於。切利。天上。善法。堂中。我有坐處。切利。諸天子。來。供養。我。故。若我不在座上。諸天子。為我。坐。處。作。禮。恭敬。遶。已。而去。作。是。念。釋提桓因。於此。處。坐。為。切利。諸天。說法。諸佛。舍利。亦如是。從般若波羅蜜。生。薩婆。若所。依。止。故。得。供養。是。故。世尊。我。於。二。分。之。中。取。般若波羅